

靈寶无量度人上品妙經卷之四十六 字六

除穰水火漂焚品

道言昔於靜樂天中飛青寥歌大无畏土受
元始度人除穰水火漂焚妙品元始天尊當
說是經周回十過以召十方始當詣座天真
大神上聖高尊水火二司大將仙君將軍吏
兵行水發火官曹掾吏度厄拔難真人无鞅
數衆乘空而來紅黑奔雲虎輿甲馬黃麾絳
節翠葆朱幡疾雷沸天雄風偃嶽異彩祥光
縹緲鬱勃洞煥太空七日七夜諸天宮鑰震

鳴殿觀傾動日月星辰靈芒噴射燁燿停輪
仙梵佇雲迴霞繞斗碧影輕泛紫烟結樓一
國地土山川林木緬平一等无復高下土皆
作蒼玉无有異色衆真侍座

元始天尊玄坐空浮五色自然飛仙十華之

字六

座說經一徧諸天大聖同時稱善是時一國

男女受福諸天常樂道化說經二徧太微紫

微水火二曹奏功紀德陰陽調平說經三徧

日帝奉笏月后致恭說經四徧二曜三元咸

來稟命說經五徧水母運機延劫永世火官

布算增曆益年說經六徧考罰得宜无有橫
枉說經七徧漂焚息苦燒溺業消說經八徧
三界晏安不生驚擾說經九徧地鑪天竈飛
伏合倫說經十徧厄運俱濟人物又寧是時
一國是男是女莫不頂心皆受獲度或得長
生

道言是時元始天尊說經一徧東方无極无
量品水火司功大神无鞅之衆浮空而至說
經二徧南方无極无量品水火司察大神无
鞅之衆浮空而至說經三徧西方无極无量

品水火司罰大神无鞅之衆浮空而至說經
四徧北方无極无量品水火司直大神无鞅
之衆浮空而至說經五徧東北无極无量品
水火司厄大神无鞅之衆浮空而至說經六
徧東南无極无量品水火司令大神无鞅之

字六

二

衆浮空而至說經七徧西南无極无量品水
火司錄大神无鞅之衆浮空而至說經八徧
西北无極无量品水火司禁大神无鞅之衆
浮空而至說經九徧上方无極无量品水火
司命大神无鞅之衆浮空而至說經十徧下

靈寶度量上人妙經

方無極無量品水火司非大神無缺之衆浮
空而至十徧周竟十方無極水火二司典錄
大神一時同至一國男女傾心歸仰來者皆
各項禮讚歎已證天尊願不罹水火大小劫
災三界遷易之難尚處世身願不罹水火焚
漂燒溺之厄不爲三官考按罪錄刑在水火
罰於漂焚乞使二曹順理天政和均人界清
裕鬼道沈鎮邪神祿吏無妄行水發火作非
橫之厄稽首元始欣聞至要各以天寶妙具
神州真脆勢同雲集無缺之衆迨國一半土

皆偏陷非可禁止於是元始流眄十方俯觀
衆會振衣進几迴天轉地吹爲水光呵爲火
耀二景交飛遊龍宛轉翔騰虛極良久之間
變成寶珠大如黍米懸處高空去地七丈元
始登引天真大神上聖高尊度厄拔難真人
字六
水火二司曹掾將吏漂溺焚燒執罰大神无
鞅數衆俱入寶珠之中天人仰看惟見勃勃
從珠口中入既入珠口不知所在國人廓散
地還平正无復欹陷元始即於寶珠之內說
經都竟衆真監度以授於我當此之時喜慶

難言法事粗悉諸天復位倏欵之間寂无遺響是時天人遇值經法普得濟度全其本年无有中傷傾土歸仰咸行善心不猛不怒不侈不迅不察不蕩不散不時不諂不回言尚明析口无惡聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名除穰水火漂溺焚燒隱韻之音亦是真王內諱禁勅水火二司不得妄溢行發二考

言暴生民呼召主宰百靈之隱名也非世之
常辭上聖已成真人通玄究微法寶已靈水
火之變尋源得涇燔燎炎暴知究祖因能忘
其章誦之十過諸天遙唱萬帝設禮水土火
藏淵靜明離河海湛默赫烈防扃日月停景
璇璣不行群魔東形鬼精滅爽焚爍潛息漂
溺自平至學之士誦之十過則黑精守位赤
怪不生魔魅喪眼鬼妖滅爽濟度水火危厄
不生所以爾者學士丹宮未成水騰火降體
未洞真召制二司威未制天政德可伏御姦

祇東縛遊火大醜故氣但却邪度厄而已不能使水火二神絕諸考罰輕誦此章身則被殃供養尊禮門戶興隆世世昌熾與善因緣水火不干神明護門斯經尊妙獨步玉京制御水火除穢灑焚為萬道之宗巍巍大梵德難可勝

第六

四

道言水火二司有大威神號五嶽總領真君主放大水漂流蕩溺發暴火焚燒延護善去惡考罰罪人下逮地獄寒池火車漂焚重苦烹注亡魂謫役杲曲火山之府煮瀆焦然

悉隸真君天有二燿陰陽靈根照映下民而
惠災福非行禍厄之權也此大威神與九天
司命採訪使者五嶽丈人五嶽都司共治水
火水火之罰有六將軍以布令行災主水之
將河魁將軍杜元吉天錄將軍張子華執符
將軍沙伯晃主火之將捷疾將軍劉天錕定
界將軍周君采發火將軍石完夫世界有水
火之穴伏藏陰陽之精化爲水火之龍民有
危厄則飛龍降災水火併至北斗中勅北帝
列司領水火神龍之政號玉光紫靈夫人官

吏數千典掌其職生人先世有罪幽鬼在水
火之獄徒水火之役運水灌四瀆之穴伐薪
煎百里之鏹洪波滔天烈火亘地一日一夜
受苦无量凡誦是經十過諸天齊到受苦衆
生出離水獄遊神紫臺出離火獄上昇朱宮
格皆九年受化更生得爲貴人除穰漂焚福
慶自生而好學至經功滿德就靈寶成丹身
生水火七返九還皆得神仙飛昇金闕遊宴
玉京也上學之士修誦是經真水上浮靈火
下溫日藏於海萬竅生雲皆即受度飛昇南

宮世人受誦則延壽長年後皆得作尸解之
道鬼神暫滅不經地獄水火漂焚即得返形
遊行太空此經微妙普度無窮一切天人莫
不受慶無量之福生死蒙惠上天所寶不傳
下世至士齋金寶效心盟天而傳輕泄漏慢
殃及九祖長役鬼官侍經五帝玉童玉女各
二十四人管衛神文保護受經者身

道言正月長齋誦詠是經爲上世亡魂斷地
逮役水火功考度上南宮七月長齋誦詠是
經除穢水火漂焚身得神仙諸天書名黃籙

白簡削死上生十月長齋誦詠是經除穢水
火使二氣和平爲國王帝主君臣父子安鎮
國祚保天長存世世不絕常爲人君安鎮其
方民稱太平八節之日誦詠是經赤黑順界
萬物遂成得爲九宮真人本命之日誦詠是
經陰无僭陽臣忠於君火降水升德下而尊
冤神澄正萬炁長存不經苦惱身有光明三
界侍衛五帝司迎萬神朝禮名書上天功滿
德就飛昇上清

道言行道之日皆當香湯沐浴齋戒入室

東向叩齒三十二通上聞三十二天心拜
三十二過閉目靜思身坐青紫絳三色雲
炁之中內外翳冥有青龍白虎朱雀玄武
獅子白鶴羅列左右典總水火二大靈司
神官將吏備衛前後日月照明洞煥室內

字六

六

項生圓象光映十方如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十六人關啓所言今日吉慶
長齋消堂修行至經无量度人願所啓上徹

靈寶无量度人上品妙經

徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章除穢水火漂焚保劫度
人百魔隱韻從濟自然二象交輪无无上真
元始祖劫神化无神有一未形氣生空玄大
器内温温則氣升升為玄露降為天津水為

帝先太一杳冥溫氣成炎火爲神津火明水
晦二象備成水盈器中火動神溫溫久法液
結凝玉京九宮八門安鎮十方開明赤黑是
爲天根水火无祖一九化真丹靈燧惑玄老
大辰辟非朱鳳蒼龍晶精百六陽九剪滅凶
群游火黑祆戰物災民道可除禳化空成文
是名大法玄中之玄三元八會鳳真玉篇高
祕神文億千萬年真王治世應運流傳普度
生死一切苦冤咸悉應符永劫長年歷水過
火三災不登暴氣邪侈移變世間成災可除

將至乃攘焚藝漂溺速離遠方帝君行令敢
有來當太虛焚氣運轉元網中有除攘水火
漂焚之神中有南極長生之君中有度世司
馬大神中有好生韓君丈人中有南上司命
司錄延壽益算度厄尊神迴骸起死无量度
人今日校錄諸天臨軒

東方无極風力神王長生大聖无量度人
南方无極威耀神王長生大聖无量度人
西方无極金光神王長生大聖无量度人
北方无極洞淵神王長生大聖无量度人

東北无極制姦神王長生大聖无量度人
東南无極熾爛神王長生大聖无量度人
西南无極水藏神王長生大聖无量度人
西北无極穰禍神王長生大聖无量度人
上方无極拔難神王長生大聖无量度人
下方无極度厄神王長生大聖无量度人
十方至真除穰水火漂焚神王長生度世无
量大神並乘宸霞錦光玉輿紫清瓊輦彩盖
霓輪驂駕五鳳十二玄龍建招真之節八景
靈幡前嘯金集齊唱後吹玉鑰同鳴獅子白

鶴嘯歌嘯列真啓途群仙翼轅億乘萬騎
浮空而來傾駕水火監檢生靈神霄府相青
華上官韓君僊伯消災大神執籙把籍齊到
帝前隨所應度嚴校諸天普告三界无極神
鄉連究之府靈紐之宮六天九獄冰池火山
字六
救解衝蕩漂溺焚燼過度生關沈屍苦覓釋
赦三官上解祖考億劫種親疾除罪簿落滅
惡根不得拘留逼合鬼群元始符命時刻昇
遷火翳寒庭部衛形覓制魔保舉度厄南昌
死覓受鍊僊化成人身受度劫劫長存隨

劫輪轉與天齊年永度漂沈焚蕩之苦超凌
三界逍遙上清上清之天天帝洞覺无色之
境梵行

東方八天

慶華瑤虞天

帝臺昌舞霞

歷明資玄天

帝靈谷振光

控神九真天

帝巴慈引祥

日觀揚靈天

帝都奇昇方

步奇乘角天

帝統負羅

氐舍次東天

帝真陀流淵

靈寶度量上人品妙經

妙律垂科天

定儀師微天

南方八天

燦燦理赫天

禁明威勇天

安樂昭仁天

字六

陽化度僊天

微境冲遊天

史滔逸寬天

赤洞顯幽天

帝閔道維美

帝伯初桃英

帝孫愚道奕

帝鄱滿祁桓

帝鬱禎英

九

帝幽雲靜坊

帝子殊衡

帝符乾處寧

帝徧常澤墟

利泰猶和天

帝召無僅剛

西方八天

梵氣七真靈曜天

帝繼元正基

白章文皇天

帝越定莊

台玄極義天

帝僊閔弗冥

江霞子湘天

帝韜樞蓋倉

中遙玄變天

帝師元同瑰

靜妙委神天

帝嶽錄華由

洞光素耀天

帝落丘造章

制飛鎮精天

帝穴汨求輔

靈寶度量人上品妙經

北方八天

麗正真期天

帝黃武明

超空昇化碧霞天

帝詔智賓

玉奔紫景露陽天

帝宗耀煌

祕清瑤章神府天

帝仲季綿

寶陳華元降龍天

帝學吉隆

雲澤敷成天

帝達司進行

紫融通微天

帝芾儀開

正真萬齡天

帝建裕崑

三十二天三十二帝諸天隱諱諸天隱名天

中空洞自然靈章諸天隱韻除穰水火漂焚
之音水元太一之尊火元赤皇之神發水大
魔行火真靈九陽十陰變化上清无量之奧
深不可詳敷落神真濟拔漂焚今日欣慶度
厄除穰却氛禁勅典司歷關諸天請滅漂焚

字六

十

斬絕邪冤飛度水火名列太玄魔王監舉无
拘天門東斗紀善西斗降祥北斗水考南斗
火殃中斗定刑燎溺存亡罪大殞命責輕受
厄青帝監冤白帝攝鬼赤帝執炬風火煥赫
黑帝揚波漂蕩无極黃帝中主統行誅殛青

靈寶无度量人上品妙經

天魔王監試群姦赤天魔王擲火騰烟白天
魔王洶濤反山黑天魔王洪波汨淵黃天魔
王焦屍泛骸五帝大魔萬神之宗飛行水火
總領威兵麾幢鼓節遊觀太空熾爛赫奕滔
天縛龍上天度人嚴勅北鄧真王受命救難
迎梓八威衛駕猛馬巡疆飛天息火大帥塞
洋除穰橫厄厭解擊衝敢有干試抗拒上真
司非定罪巨天注名赤杖大醜收行天丁千
千遏塞萬萬滅形敢有漂溺燒害良民三官
北鄧明檢鬼營不得容隱金馬驛程普告无

窮萬神咸聽三界五帝列言上清

元洞同域水火二鄉陰含陽精陽賴陰疆二
氣成物能柔能剛眇眇億劫混沌之中上浮
為色下沈為淵水火遍空合質凝天天上天
下无幽无冥无形无影无极无窮溟滓大梵

字六

十

遼廓无光水火既生三界境完久則氣勝進
退升遷制暴遏邪水火立官考校罪業泉曲
火山醜類僭逆偽妄行懼漂溺天人焚燎區
寰昊帝震怒符召百神王章正氣赤文命靈
黑精啓胞龍母拖紳鑿天振威主領萬兵郁

默執旗醜伯攝精元老奉詔掃蕩妖氛收捕
遊火開通水精不得犯縱明敬教言清肅宇
宙歸奏帝前威光下照廓開八門普赦北鬱
受報窮鬼悉令玄悟明道之根因緣輪轉上
生諸天永享大福鍊胎飛僊超出三界高居
太清藥臺遊宴齊對功貞玉音攝氣洪波自
平靈風聚煙狂爛不然停波息爛水火二光
按科金律神文化真真中至神長生大君御
火旺德萬天稱尊飛形九霄統政萬靈无英
輔相白元泳淵太一冥耀司命光旋桃康二

景字合精延執符把籙保命生根上遊上清
出入華房八冥之內細微之中下鎮人身泥
丸絳宮中理五炁混合百神十轉回靈萬炁
齊仙除穰漂焚救苦度人消滅厄會散解危
迤帝君頒令罪福甄分普受開度死魂生身
身得受生上聞諸天諸天之上各有生門中
有空洞謠歌之章真王靈駕辭參高真

第一除滅水厄漂溺飛空之音

水官檢精 總御北元 理陰制陽
平定河源 醜類亂天道 群妖歸一時

蕩蕩移山嶽
舟楫安能施
河伯遠避勢

鱗鱗來助威
生民罹此災
空闕天難知

血肉飽魚鼈
骨骸落沙泥
悲風吹九陰

呱呱終夜啼
大命既天枉
流浪無所依

祇乘其祭祀
靈爽知何之
真王降九霄

字六

十二

攝凶送七非
馘耳斷腰頸
山河戮其尸

玉符召靈
死冤受生
詠此洞章

丹簡書名
皆受拔度
上升朱陵

第二攘解火難焚藝之章

火官察惡
領典南司
大星熒熒

老人赤衣
萬物賴功
六門景輝
中夜忽起
烈爛橫施
驚呼垣奔
殤鬼急追
冤遊冥冥
惡鬼襲之
僊聖在天

臂弓鵝首
流火玉池
下官竊政
疾風交馳
萬丈灼灼
迷不出帷
斷髻焦髮
猛火離離
渴不得飲
孰謂使知

乘駕辟非
天機御省
亂行誅夷
碧煙如龍
聲伴隱雷
肉潰脂流
氣逐餘灰
脫有來饗
困不獲栖
天官按行

靈寶无量人上品妙經

執凶糾非
帝君有命
不涉傾危

玉符制火
普獲純禧

鬼道莫違
生民晏安

第三除穰度厄拔難歌曰

玉清之上

神霄鬱開

帝都九門

字六

十三

中有大君

錦裳絳衣

碧冠珠纓

統治三界

十方萬天

千二百曹

咸職列官

八百七十

按局群僊

七元罪福

水火氣元

制命勅律

佐理億千

校錄生死

河海谿泉

敢有故氣

變化幽關

妄行水火

毒害生靈

焚爇漂溺

猖獗不停

寶章玉符

密告帝庭

威劔巨斧

斬伐鬼精

水平火息

厄難無侵

誦詠洞文

祈天引誠

真王下觀

青籙記名

除穰度死

七祖超昇

氣鍊變僊

神飛意靈

萬世蒙福

俱登玉京

此三界之上飛空之中真王歌音音參洞章
誦之百徧永禳焚溺名度南宮誦之千徧真

王保迎萬徧道備飛昇太空過度三界位登
僊公有聞靈音魔王敬形勅制地祇侍衛送
迎拔出地戶水火厄難七祖昇遷永離幽冥
寬度朱陵受鍊更生是謂无量普度无窮有
祕上天文諸天共所崇泄慢墮地獄禍及七
祖翁

道言此二章並是諸天上帝及神霄真王隱
祕之音除滅漂蕩之厄攘解燔燎之災邪精
魔類盜行水火毒害生靈妄求血食鍾鼓之
響真王檢察斬戮邪魔安施玉符辟斷非橫

水火之厄若有身歿水火冤鬼精識爲上古
傷鬼男女之殍所憑自赴水火或世世水厄
年年火災皆是邪神竊權天司擅興焚蕩學
者敬誦此經以爲救度即能除斷皆是大梵
之言非世上常辭言无韻麗曲无華宛故謂
字六
玄奧難可尋詳上天所寶秘於神霄玉清王
十四
府東華歲室應運下傳若有至人齋金寶質
心依舊格告盟真王然後而付焉

道言夫天地爲水火之神器天河在上則水
鼎上居火海在下則火鼎下儲太空在中日

月為藥日月者水火之根本繫於南北二斗
為太微紫微兩極都曹以水親火則水能尅
火以火隔水則火能尅水水火均等則既濟
成物水火有太少之運則萬物為之刑災上
天以水火為生化之樞機樞機得則天政成
下官故氣六天鬼魔盜水火而用之以害生
類帝君出除穰之法救濟在危厄者大至天
地運度否終日月五星虧盈至聖神人休否
細至末學之夫疾傷凡有此災同氣皆當齋
心修齋六時行香十徧轉經福德立降消諸

不祥无量之文普度无窮

道言夫末學道淺或僊品未充運應滅度身
經太陰此皆身中淨靈之水與明堂之火未
能升降身中之神與司命殺鬼戰於水火之
門臨過之時同學至人爲其行香誦經十過

字六

十五

以度屍形如法蒐神徑上南宮隨其學功計
日而得更生轉輪不惑便得神仙

道言夫天地運終星宿錯度日月失昏四時
失序陰陽不調國境焚漂四民失業疫毒流
行兆民死傷師友命過同學夭傷皆由水火

不調勝負為災天官墮政魔怪為殍雖外无
焚藝漂溺之厄氣失其平奔注騰熾內為失
度暴發之咎皆當修齋行香誦經夫齋戒誦
經功德甚重上消天災保鎮帝王下攘毒害
以度兆民生死受賴其福難勝故曰无量普
度天人

道言凡有是經能為天地帝主兆民行是功
德有災之日發心修齋燒香誦經十過皆諸
天記名萬神侍衛右別至人尅得為聖君金
闕之臣諸天記人功過毫分无失天中真王

亦保舉爾身得道者乃當洞明至言也

諸天中大梵隱語除穢水火无量音

道君譔

元始靈書中篇

東方八天

飄忽保靈 蔚元浮砂 覺濟飛泝

迎機濮耶 駛江究敷 即玄蘄嶠

允答貺策 幽榭穆崇 獻翰強億

資砥逸聰 標定澱化 制碑畢戎

弄斗閣越 籍司奎鍾 昊叙潘建

池鄒卷沖

南方八天

濡穴探益 神命革遙 聯彼洞宥

極京龍桃 錯鑿措阮 滿蹇漢常

杜高謹載 晞蒸巴教 碧連運變

字六

十六

身極虛揚 檢勅方帝 烈颯疾裒

熏露渙落 統莫虛隆 急制北律

萬呼冥冥

西方八天

梵度乾鍛 慈傳龜喏 漸截鬼憂

并野部羸 詔端鼎察 意謨虛形
曇現罔寂 玄河祭賓 演漢洞譙
月姑張允 采迅茹華 紫令適盛
丁治鷺石 刀丹錄魔 胡賽判決
神靈渾微

北方八天

虎曰緣璇 箕論頓核 甄陽鐸世
知閻遷火 榜緡董掖 麗珍元安
井估候驛 延蘇慶隨 穴稼厥展
補因夸離 剗減越絜 覲凍况基

浩肅遶忽 指嶽池瓊 調明趨管

遼儼蘊綽

道言此諸天中大梵隱語无量之音舊文書

北元建臺水帝七精之室南靈騫阼禾館飛

華之宮用平制水火舉抑璇璣進退二候以

字六

字七

成大化天地交泰日月運行陰陽發生僊聖

變化升降上下比之權衡斟酌量宜以畜萬

有其道不忒三辰順躔攝受失理則五魔盜

柄太上所祕藏之寶鉞神通自然一切无礙

翔爲龍鳳伏爲龜蛇道妙都括不使世知字

皆廣長一丈天真皇人昔書其文以爲正音
有知其音能齋而誦之者諸天皆遣神府玉
郎真王上吏下觀其身書其功勤上奏諸天
萬神朝禮地祇侍門大勳真王保舉上清道
備尅得遊行三界昇入金門

此音无所不除无所不穰无所不度无所不
成天真自然之音也故誦之致飛天下觀上
帝遙唱萬神朝禮三界侍軒群杖束首鬼精
自亡琳琅振響十方肅清水无漂溺火不炎
燔萬靈振伏招集群僊天无氛穢地无杖塵

靈寶度量上人妙品經

冥慧洞清大量玄玄也

元始无量度人上品妙經卷之四十六

二十四卷第二十二
